



**CANTON SARAJEVO**  
**Cantonal Civil Protection Administration**  
**Operational Center**

Broj: 04-40-1-96/20  
Sarajevo, 06.04.2020. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**  
**za period od 08:30 sati 05.04.2020. do 08:30 sati 06.04.2020. godine**

U skladu sa ovlaštenjima koje ima prema Zakonu o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), kao i drugim podzakonskim propisima iz oblasti zaštite i spašavanja, te Odluci Vlade Kantona Sarajevo o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo, broj: 02-04-7986-1.1/20 od 18.03.2020. godine, Štab civilne zaštite Kantona Sarajevo (u daljnjem tekstu: Štab) je u toku jučerašnjeg dana nastavio sa aktivnostima na provođenju preventivnih mjera na smanjenju opasnosti od širenja zarazne bolesti uzrokovane koronavirusom (COVID-19) na području Kantona Sarajevo.

U toku jučerašnjeg dana Štab je u saradnji sa Vladom Kantona Sarajevo, Ministarstvom unutrašnjih poslova Kantona Sarajevo, Zavodom za javno zdravstvo Kantona Sarajevo i višim nivoima vlasti, poduzeo mjere i aktivnosti na obezbjeđenju prihvata naših državljana iz Švedske koji su oko 19:40 sati stigli na sarajevski aerodrom, gdje im je obavljena medicinska trijaža, a potom su sa autobusima uz poštovanja socijalne distance i drugih epidemioloških mjera prebačeni do Studentskog doma „Bjalave u kojima će biti smješteni tokom trajanja izolacije.

Služba za veterinarske poslove je u toku jučerašnjeg dana bila angažovana na planskoj i sistemskoj dezinfekciji javnih objekata i površina na području Kantonu Sarajevo.



Dana, 03.04.2020. godine u skladu sa naredbom Štaba, volonteri općinskih organizacija Crvenog križa su dostavili lijekove na adrese 11 osoba koje su starije od 65 godina i koje nemaju bližnjeg srodnika da se brinu o njima.

### **Općinski štab civilne zaštite Stari Grad:**

Po naredbi Općinskog štaba civilne zaštite pripadnici DVD Vratnik su u periodu od 30.03. do 05.04.2020. godine sistemski dezinfekovali slijedeće ulice: Mošćanica od Konzuma do magistrale, Obhodža lipe, Čorbadži dede Mustafage, Crvenica, Mošćanica čikma, Rogina, Osman Nakaš, Vinograd, Grlića brdo, Ramića banja-gornja, Ramića banja-donja, Alije Nametka sa krakovima, Kriva, Skendera Kulenovića, Kreštalica, dio Safvet bega Bašagića, Hadžijamakova, Sunulah efendije, Alije Đerzeleza, Adžemovića, Karpuzova, Potoklinica, Kečina, Toromanova, Glodžina, Logavina do osnovne škole, Josipa Štadlera, Musa Čazim Čatić, Pirin brijeg, Podgrmečka, Fadil paše Šerifović, Hrgića, Gornje čebedžije, Hamida Svrze, Mihrivode, Bijela tabija, Carina, Vratnik mejdan - dio, Jekovac, Aleja ambasadora, Poddžemhana, Ispod oraha, Mustajbega Ličkog, Čebedžije, Ispod grada, Pod bedemom, Bijela džamija, Nevjestina, Mešino ćoše, Bećarevo ćoše, Hendek i Mehmedagina.

### **Općinski štab civilne zaštite Hadžići:**

Po nalogu Općinskog štaba civilne zaštite Služba za vodosnabdijevanje i asanaciju terena je bila angažovana na dezinfekciji ulica, kao i na dostavi pitke vode sa cisternama u rezervoar u kampa Ušivak gdje su smješteni migranti, dok je Vatrogasno društvo Tarčin bilo angažovano na postavljanju trijažnog šatora, koji se urušio zbog jakog vjetrova ispred Doma zdravlja Hadžići.

**Od ostalih općinskih štabova civilne zaštite s područja Kantona Sarajevo** putem njihovih operativnih centara civilne zaštite smo obavješteni, da kontinuirano rade na provođenju preventivnih mjera zaštite i spašavanja, na čišćenju i pranju ulica, trotoara i drugih javnih površina, kao i dezinfekcija javnih objekata, ulica, trotoara, javnih stepeništa, trgova, javnih parkinga i drugih prostora, kao i na nabavci neophodne zaštite opreme i sredstava.

U izvještajnom periodu Kantonalni operativni centar civilne zaštite primio je tri informacije o pronalasku NUS-a i to:

- dana, 05.04.2020. godine u 16:15 sati od strane građanina, da je na lokalitetu brda Žuč (blizu ulice Sude Vražalice) Općina Novi Grad, pronađen jedan nepoznat NUS;
- dana, 05.04.2020.godine u 16:20 sati od PS Vogošća, da je građanin predao u PS jedan NUS (ručna bomba);
- dana, 05.04.2020.godine u 18:40 sati od PU Novi Grad PO Rajlovac, da je iznad ulice Izeta Karšića, pronađena jedna ručna bomba.

O primljenim informacijama obaviješteni su pripadnici Tima za UES Federalne uprave civilne zaštite, koji će navedena neeksplozivna ubojna sredstva preuzeti u narednom periodu.

**Kantonalna uprava civilne zaštite Kantona Sarajevo:** Pripadnici Kantonalne uprave civilne zaštite Kantona Sarajevo u izvještajnom periodu imali su 14 intervencija manjeg intenziteta.



**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim područja koja su bila planski isključena zbog izvođenja neophodnih radova na održavanju energetske postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave je iznosila 8°C, relativna vlažnost zraka 36% a barometarski pritisak 951,1 hPa.

**BIHAMK:** Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH**, gradski, međugradski i željeznički saobraćaj je obustavljen po naredbi Federalnog Štaba civilne zaštite.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>  
e-mail: [oc@kucz.ks.gov.ba](mailto:oc@kucz.ks.gov.ba)  
Tel: + 387 (0) 33 121, 556-670  
Fax: + 387 (0) 33 556-671  
Sarajevo, Reisa Džemaludina Čauševića 1